



Мэбета вадава" ила' панан' етри' мэква"!

НЯРЪЯНА

НЭРМ



№ 17 (5187)
2024 по'
апрель иры'
27 яля

СУББОТА

ГАЗЕТА 1931 ПО'
АПРЕЛЬ ИРЫ' ЮКАД ВАТА
ХАСАВАЮДИМДЕЙ
ЯЛЯХАД НУДИБЕРҢА

СИ" ИВ ЯЛЯХАНА
НОПОЙ' СЕРТАБИВА"

Российская Федерация Ямало-Ненецкий автономный округ



Сидянт: М.Яр' тадтавы

Нердена сую
надимия

2

Иландо' саирм' тасламбавы"

Сие ниць иры' 26 яля' ёльцянд' Нью-Йорк маркана 23-й мэва' тодо я" тер" җарка ООН' тасалковам' мэ"җаць. Россия' терхат Ямал', Камчатка', Югра', Якутия', Карелия', Красноярской край', Мурманской область' няд нэдалермы".

«Ямал – нюна» я!» Ассоциация' нэвахана мэна Эдуард Яунгад танияна җани' вадамда мэ"мы. Җани нита сер' толырто' тяне ненэцие" я' мидыхы" харе" мэта ил' саирм', я' мидыхы" иринато' вато нэдавам' тасламбавы. «Ненадовна яна" тер" ханзер" илевам' маньрина" вадець пирҗава". Иландо' саир" хурка нэвам' маньрина" теневава"», - тарця инда җу интернет' мутравна падвыда.

Саха (Якутия)' няд товы Константин Роббек тарця инда ядэрабцо ваде"мы: «Невхы илаҗгад харе" яханато' илена" ненэця" тоенана серодо' җопой иҗудм' мэць тасламбабато' тара. Тарем' җока серм' нерня' тидхале пирта". Җобкана ныхыдо' җокарка нэҗгу. Россия' тигэвна сидна" җобт' ма"ламбада, нермбэртява" – тодо яхана илени" Җэрм' тер" Ассоциация. Английской вадавна RAIPON нюмам' мэ"җа. Илаҗганана" тоенана серо тидхалембадаҗэ, ерво" ёльцянд' вадина" минренаҗэ, ина" җу тэволанаҗэ тара"». Яҗга невхы ила' саиркад перена манзаина" сахарамбавам' ненадумдавы. Вадавнанда, Россия' җардавна ты пэрма ёльце җарка таром' минре. Харе" вадина", илна" саир" танияд паҗгады".

Камчаткаҗад вадам' тэвравы - Андрей Метелица, пыда танияҗы"



Сидянт: Э.Яунгад' тавы

Җэрм' тер" Ассоциация' нермбэртя, тарем' табековы: «Харе" яханато' илена" тодо тэнз" ненэця" ООН' манзаяхана мал" мэбато' серо"җа". Теда' тарця яҗгу. Россия' тигэвна 28 ё" тер" Ассоциация' нэвахана мэнахат хибхартадо' ООН' серкана ни манзара". Тад нерня' сиддо' җани' хонрамба тара"».

Җано хан" тэнз" Ассоциация' нэвахы Андрей Агеев нерняҗы илна" нямна табекурмы: «Няна" смянхат ненадо сер" – ты пэрма, халям' хадабава, ханева. Тикы манзаи невхы илаҗгад ханзер" нэвамдо' теневабна", тамна' тяха' илебей ненэця" иландо' саирҗэ мэпато', тамальҗгана ява" лэтраҗгува". Яханана" манзарана" нерняҗы серодо' тасламбабато', җули" нерде' танияна мюсерта", илена" ненэцие хонрамбабато' серо"җа. Ты" хадо", мюсерма" неда" я' индадм' нэкалпади" е"эмня несэймдамба ни серос".

Ненадовна Франциско Кали Тцай' падыбавы манзая' нямна намдавы". Пыда тодо я' тер" «мюсерта"» ненэцие" илам' тохоломбавы. Эдуард Яунгад' тикы нямна җани' лахана: «Россия' тигэвна тарем' илена" тодо тэнз" җока". Иландо' саирм' невхы похот нэдадо'. Җадьбьята Салехардахана «Кочевые и полукочевые народы России» семинархана ма"лавы табеко английской вадан' падынаць. ООН' тасалковахана ваде"янаць. Постфорумхана лаханавани мальҗгана илебей ненэцие" нямна вадами мэ"җадамз. Пыдо' нядандо' нерняҗы илма" пере. Выҗгы ил' неноховавна җобтикы нядандо' паҗгады".

Җани я' панхана ООН' вато' сер' Россия' тодо тэнз" ненэця" (я' мидыхы" похот харто' яханато' илена") нерняҗы иландо' нямна тасалковы".

Г. Окоэтто' падвы

Җацеки" мядомы"

«Большая перемена» пирдырмахана мэна" тохолкода" Ямалан' турмы". Е"эмняндо' округна" ерв Дмитрий Артюхов «Ямал-месторождение первых» лахарём' мэ"мы.

Ханярид товы" җацеки" няданда хонарковыць. Москва' няд нэда «Движение Первых» общество илебей ненэцие" е"эмня җадимдембада таронда таниявам', яҗговам' хонрамбавы. «Җацекина" харто' ямдо' сававна теневабто', яна" серо нерня' минре нядаҗгобто' серо"җа. Җадьбьята Россияна" ханяримна нэдалёлтамбина". «Движение Первых» саць җарка няд"маҗэ тара», - Дмитрий Артюхов тарем' мамы. Округханана" җамгэ нэвы серм' теневамда Тарко-Сале' тер хонрамбэвада. «Ямална" ил' сехэры нензел" нивы җа". Нюртейҗэ яханана" манзара пэвы" ненэця" ёльце вырэй" нэвы", җамгэхэртан' нивы" табаҗг". Җадьбьята сидто' тотрев' варева" мэпна", хусувэй тасла я"амнава" тасла пиртава"», - округна" ерв лаханавы.

Ямална" нерняҗы ил' нямна, хурка" манзаин" тэнз" тарава' нямна, я' индадм' нэкалпава' нямна Ноябрьск', Нижний Новгород', Курск' тер' вадам' мэ"мы". Округна" нэвахана мэна җацекехэ" тарем' табековы: «Ненэця' җудахана мивы" җамгэ" сававна лэтрамба серо"җа", тикахана пон' переҗгу"».

Салаяҗгардан' юр" самляҗг ю" җацеким' тэвравы". Сиддо' хардана" ненадо" я"амна ядэлавы". Сабеттахана нэда «Ямал СПГ» заводм' манэ"мы".

А.Хорэли' падвы

Илебей ненэциена" е"эмня

Хахаяда яля' округна" нэвахы ерв Дмитрий Артюхов Москвахана манзарась. ВДНХ' няна илебей ненэцие" ед' нэда Россияна" Госсовет' тасалковам' мэ"җаць. Җарка лахарёдо' «Молодежь и дети» нубета нацпроект' нямна нэвысь. Тикава" җарка яханана" тадри' манзаралты".

«Национальной проектава" туюку поход мале манзара пэбата серо"җа. Няхар" потна"

җацекехэрт" танияна мэҗгу". Няхар" ю" самляҗг пото' нэсонд' харе" яханато' тарана җавэ сертаба пирта". Пыдо' харе" е"эмняндо' илаҗганандо', марканато', нудяко нэсыхынато' яля' няю' нэда серо тидхалембаҗгу", таром' ха"аврамбаҗгу"», - тарем' Дмитрий Артюхов мась.

Тарана серм' Россияна" президент Владимир Путин' ватовна тидхалемба пяҗгудо'. Сертабавандидо' илебей ненэцие" илаҗгана тараванда"

җамгэ": наука, бизнес, и' ватовна ням' нядабава, җани' пареҗода ё' тер" ня манзарава, тамна җани' яля' няю' нэда сер". Җацеки, илебей ненэцие вадэдаханандо' мале тидпой' нядабаҗгудо'.

Тикыдо' сидя по' сер' илебей ненэцие" Госсоветхана ма"лавы иҗудодо'. Теда' проектамдо' янамбовна яҗгамдамбаҗгудо'. Едэй җавэ танияна манэ"ман' харвана" индэ' ядэробцо тания' нэдарамба пирҗа". Россияна" тигы ненадо университетхарт"

тарана сава серо нэдабтамбавыць. Илебей ненэця" Госуслуги няд"мяць падна пирта". Проектм' тет ёнар" ненэциам' няд"мяць тидхалембавэдо'. Тикы' хавна 2023 по' нэсонд' стратегиям' тамна тасламби".

Тарця «Молодежь России» проектм' сертабавандо' нямна Владимир Путин туюку по' Федеральной собраниян' лаханаванда мальҗгана мась.

М. Яр' падвы

Нердена сую џадимья

Тюку си"ив яляхана џоб" сава юнм' намдаваць. Тикы муңгад хамедамбива" - нарэй нувона" нули" хахаялма".

Тасу' яв' няна сие ниць иры' 19 яляхана нердена таскодо' џадимы. Хойко Владимирович Лапсуй харе" ты пэртя џэсыхына џэвы сер". Пыда мята Мессо яха' няна мяры. Хойко таремүгав Ѓоя' вымна мюсерта. Нисянда ня џопой џэсыхына мэ". Ѓокханда тет юр" тым' пэрџа".

Теда', сие ниць ирыхына џадимы" таско" сяхаринда тецьда нумгана пон' ни" илесету". Тасу' яв' няна иба нувода ты" ниць иры' еркана пэсетыд", техэ яханандо' тамна тецьва' паңо. Иле хаёвы суюдо' саць мывдана тэңэ ханда".

Хаяя' мюсерта" Пэ' тер" тыпэрти" поңгана тедари' тарця џадимы суюдо' яңгу. Тадри' ты' пэртидо' џод" саць тэтна", пыдо' Сая яв' салабам' Пэ" няю' мадабаңгу".



Сийяңг: М.Яр' гадгавы

Ты' пардон мале ня"марпи"

Пудана сидя по' сер' Ямална" ерв Дмитрий Артюхов та' ты пэрти" мядо"мана џэдалёрџа. Таняна мюсерта" ненэцяңга"на тидпой' лаханакурманда сер' мюсертаха"на џамгэ таравам' намдорџа. Ѓоб" тарана серм' тарем' ядэро"махаданда џадим-дедась. Ты пэртя" е"эмня пардон" аптечка мипва' нямна џэвысь.

Хаяяда яля' мале аптечкидо' ненэцяңг" мипа пывыдонзь. Нерденидо' (520 ты" пардон" аптечкам') районвана џэдараванзь џанэдавыдонзь. Ѓокханда 1576 мяд' тер" ты" пардон" аптечки ня"маңгу". Округва" тарана проектан' 42 миллион есям' џа-

димдевы. Сяңок есям' сад"мам' округна" ветеринария центр тасламбаңгуда. Мюсерта" ненэцяңг" аптечка мирципой" џопой яңорэй' мипаңгудо', мюнянда ты лекарабтамба мэта", тарана" џавэ хоңгу". Пардон", мерё масарпа, палныба мэта" џавэ" таяңгу".

Ѓобнэ илена" хибяри", ты пэрти" мяд' тер" аптечка е"эйта". Няхар" ватом' нёдабато' серо"џа: яна" тер' џэбата тара; харе" тыта прививкыда, биркыдо' таяя"; тэхэ"на мюсерманда хавна, невхы ирината ила' саирм' нёдаванда нямна округна" системахана пада.

Хэвы си"ив яляхана џамгэ сертава' нямна мале паднаваць. Нюрте"э' падарм' пада тараңгу.

Тикым' харе" падбат џод", харвобт хибяхав е"эйданд падамда, пад"махаданд яхананд, районхананд џэда ветеринария' хардан' мит". Ѓамгэ харандо' таяявам' тамна тяха' вадетадо'.

Падродо' мал' сава џэбато' ненэцяңд' ненадумда"масавэй падраком' мита". Ѓамгэхэванда яңгоб", џани' пырдари' падрода тяхасовна ма"лаванзь татыдо'. Сававна ма"ла"махаданд џани' яңорэй' падрод тэвра пиртыд. Тикахавад џатена", сит лаха хонраңгу".

Тюку по' сяңок ты' пардон" аптечка мимамдо' мале џахакуд таславэдонзь. Ѓокханда ёнаркад вата мяд' тер" ня"маңгу".

Дорогие земляки!

От всей души поздравляю вас с праздником Весны и Труда!

Первомай – символ добрых перемен. Этот праздник объединяет многие поколения россиян, которые своим трудом создавали нашу великую державу. Впереди у нас много важных задач, которые мы будем решать сообща. Уверен, каждый из нас сделает всё, для того, чтобы наша страна и Ямал процветали и крепки!

Пусть майские праздники согреют вас радостью и теплотой общения с родными и близкими людьми. Желаю вам, дорогие ямальцы, весеннего настроения, успехов и благополучия!

Губернатор Ямало-Ненецкого автономного округа
Д.А. Артюхов

Дорогие ямальцы!

Поздравляю вас с праздником Весны и Труда!

Первомай – это символ солидарности, справедливости и процветания Отечества. Весенний праздник объединяет всех, кто своими ежедневными делами создает завтрашний день и вносит вклад в благополучие малой родины и страны в целом.

Наш общий труд и верность общечеловеческим ценностям делают Россию несокрушимой, а народ – непобедимым. Северяне всегда славились высокой работоспособностью. Во многом благодаря ветеранам-труженикам Ямал сегодня – один из самых экономически развитых и динамично развивающихся регионов.

Дорогие земляки! Пусть в вашу жизнь вместе с ярким солнцем придут новые идеи, радость и вдохновение!

Желаю всем крепкого здоровья, оптимизма и энергии для будущих свершений!

Председатель Законодательного Собрания Ямало-Ненецкого автономного округа
С.М. Ямкин

Сэр" пан' мер' ни хэңгадаңгу"

Ѓарка яна" тиңгывна мале савом' ваде"лава". Ѓани" яха"на ненэциена" саць тэтна". Таняна хардадо' иде" нылна хаи". Ѓарка марад" џани' саво"ларавы". Ѓа"ни яхана Сая яв' салаба хэңгадавам' џани' намдава". Ямалханана" џод" мале џахакуд хамекулыд".

Теневана" ма"ним", округханана" таславы ялянда нерџобт' сэр' пан мер' ни хэңгадаңгу". Тедари' Ямална" тиңгывна џамгэхэрт мары" яңгу". Ядембада хаби" ё някуртаха"на сырада мэвна тонды.

Тюку по' џани" яха"на мер' салабанда хэва' нямна мале сидна" хонрамби". Сая яв' хэңгадавам'

Ямалханана" ты" ниць иры' сидя юдимдей яля' пиркана ваде"џадо'. Ирында пудана ялэ" пиркана Салехард' няби Си"ив Харв мар' поңгы салаба хэңгадаңгу.

Сяхаринда сэр" пан яханана" ты" ниць ирыхына, маңгыты" иры' пиркана џарка иде" няю' мюселцеты".

Тюку яля' пиркана Алтайской край' няна Сая яв' сё' няна салабада манзадавы. Новосибирск' пират сие ниць иры' пудана яля' ёльцяңгана салабада манзадаңгу.

Ѓатенахава", џод" саво сенаси" хэя. Ѓарка ид ненэцяңд' џани' маям' ха"аврамби



Сийяңг: М.Яр' гадгавы

Ѓэрм' тер" вырадо' я"авлы

Ямална" тер" «Северный характер» нубета пирдырман' ма"люрґаць. Сидя яля' ямбан' Саляґгардахана ныхымдо' ма" нэ"лабтамбиць.

ПИРДЫРМА' НЕРЦЮНА

Тарця пирдырма ґэванзь пэр-махад теневадамзь, ґопой", сюр-берманзь нивась тасламбю", ня-нани саць тоенана то"олхась. Яр-Саляхана ґэвы" Сянакова' ялэ" пуд тамна ламбитаванзь нидамзь ханас", ґэми едедамзь. Интернет' мутравна нини падна пэйдаць: «Сюрбермандан, нин?» Ими мале пон' ядэрґась, пуна ма"нидам: «Ѓэ». Яля" ёльце мер' миґаць, ненадо яляна" товари хаись.

Тет яля' нерцю" ґопой мэва ламбитаванзь хаядм. Тамальґгана ханяґы «препятствия» ґабтавы-донзь. Хахаяда" харад' тер" сёбар" мале манэсарґядонзь. Тикы" няха"ни сыраць ґани' сюрберць таславась. Ламбитаб", самляґг километр тянэраха ґэсеты. Сыра-нимня сюррамбахавана нензел" нивы ґа", танабаха"на, ядха"на ґэми ханяґей" есьмясь. Ихинани то-салґьяваць: «Тедяхав' нивандар-хавню пирас"».

ПЯВАНДА ЯВА"

Сие ниць иры' 20 яля то. Хуб-тахана мер' юркына", ламбитава' ян' тэвына". Ненэця" янамбовна тандая' турґаць. Ѓамґэрина" хаехэя пыванда сехэрэва" манэ-манзь хаява". Ядвана" сер' хур-кари сидна" таб"лавунда ґаво манэпива". Нини" ханяґы" ни-танаґга хорпидонзь. Таминда тасалкурґаваць: ханзер" пирця" лата" ни' тантаґгува", ханзер" нина" нядабаґгува". Нянахавани пия" хой" пирдалева" пир" то"олха" ниць ґа". Тэрихив ихинани ма-дамзь: «Сюрбермана" ёльцяґгана ґобкана ханзеркав" мэґуна"ма». Сехэрэм' ґарханда ниваць манэс", сянаковам' минрена" сидна" хаґаць.

Тикахавахад нюртейґэ сюррам-баванда" нина" ёльць' томась. Нер-



ня няби командана" тер" Юрий Салиндер, Кристина Сэротэтто, Станислав Лаптандер, Васса Вануйто, Леонид Окотэтто хаяць. Ѓокханда 21 «Профи» командась. Хусувэйхана няхар" хасава, сидя не мэбто' тарась.

Я"АМНАВА" ЯґГУ

Сюрберць ня"мынини ти": Иван Худи, Владимир Тусида, Людмила Лаптандер, Эдуард Яр. Ямальской район' терґэ юкад вата сибим-дейваць. Мале пон' ґатенаваць. Ѓопой команда хэ"мяхад ю" минута ханпата серо"ґась. Яля' ер' пуґэ хая, маня" ёльцьва" то. Ѓоб" хэван' нульяна", тадхав' тецьдана" помна нянзико ґамґэрита нерня" нэкалґава". Нюрте"э саґговота пад мине ханава". Тамна' тяхаку-на машина' колесо лахацяґндрев' ґабтавы". Ниндо' танаґга вэвась, ґэ" мюндо' ха"морпато' тарась. Тикы" пуд пия мядикорхаха' ни-канат' сер' тантава". Сюдьяко ко-лесо тирцедембива", нюдерґава". Ѓобт' мэвы колесо" помна ня-лода хан"ґава". Пэхэрэй' пеля тэвабива". Сэв ґарка поґгам' мадабива". Хуркари" танияць,

ґокханда пирдалевандава" юкад вата ґопоясь, мал" сававна, мер' мэйнаць.

Сюррамбавана" ямбан' нина" ня-дабиваць. Табаґгась я яґгода яхана етри' сюррамбиваць. Пудана танаба-рихина ґэни едым' тензибтедамзь. Тамбирувна паромбидамзь, едьяни нямна юрхалмыдамзь. Ѓоб" ни-дамзь нулаґг". Хасава юдимдей ян' ха"мына", тет ю" мат" минута' пир" миґава". Мебете"э" понд' еремьява". Ненадовна «северное многобо-рье» минрена" сёбар" ненэця" ґокаць. Поґганандо' мэвава" не-нэся саванэ тасламбив. Хусувэй яля" ныхыдо' ґокамдамбади" пир-рувна сюрбермэва", нюдямбой том' сюртева' пирувна нядандо' хаёвэва". Тамна мерарка' тутаваць, пирдырмава" маниена" тид" ниць манзара". Ханяґы ненэцие мал" ґобкана ґэдарамбавыдонзь, ґани" ґопой няндо' хэвам' ґатевыць, тикарихина пуданда хибяхав хэсь пир"мэдаць. Ѓадьбьята няхатана" яноць товэва".

ХУСУВЭЙ ВА"ЛЭЙ ґЭВЫ

«Профи» команда" поґгана нито' нерня Саляґгарад' ед'

сянаковы" то". Пыдо' 42 минута' пир" сюррамбавы". Пудандо' пэ" тер" миґа". Няхатато' 27 секунда' ёльцяґнд' хаёвы". Си"ив харв' тер" няхаромдэй", 44 минута' пиркана тэвавыд".

Няби яляхана харто' е"эмняндо' сюррамбиць. Поґганандо' Саляґ-гарад' тер Исхакбек Ташов няби Татьяна Белкина мере"ґаханзь. Нядаґгардахад ґэда Егор Веря-скин няби Приуральской район' ед' сянакода Мария Куртямова нябимдейханзь. Няхаромдэй ян' ха"амвэхэ' Нелли Куртямова няби Юрий Лаптандер. Пыди' си-дьябты Саляґгардахана илеґаха". Тикы" хавна «Любители» та-няць. Ѓокханда 38 командась. Малé ґока яланда сюррамбадась. 2 километр' пирм' мэбто' тарась. Мал" ненадумда"ми, есясавэй падро ня"маць.

Тюку проект малé самляґг по' тания. Похона самляґг мэва сертабасетыдо'. Тандая' сырэй пирдырмам' малеваць. Та' Новой Уренгой' няна саболцавэй лабта" мюмня сюрберта".

Анна Япстик' падвы



Вадамда па"мя хардарев, мэ"жада

Россия" тиңгэвна луца вадахад җани яна" тер" вадахад паднана", тамна тодо тэнзм" мэта" яна" тер" вадахат луца вадан" паднана" яңга Союздо" тания. Җобкана манзаидо" тасламбидо", нерня" тидхалембидо". Тандая" поңгандо" юнета Ямал" тер" җадимьясь, Геннадий Павлович Кельчин.

Тикы" хавна җани нена думда"мида теневава": Союз писателей России" тер", Ямал" культура" манзарана. Хусувэй" ненэця" тарця ненадо нубе ни мэс". Геннадий Павлович" мале пон юне тэволанаңэ манзарась. «Лух Авт» нубета газета" нермбэртяңэ сидя ю" по" ямбан" тарась. Пили" нерде" «Няръяна Җэрм» хана паднавы.

Юнета няна" нямна Мари-на Тэтакучевна Яр, газетана" җэвахана мэна тарем" лахана:

- Хаби нита поңгана сямянхат ненадо ненэця". Пыда иланда ямбан" юн минрена. Мале пон «Лух Авт» җэвахана мэсь, харта инда сер" «Няръяна Җэрм» газетам" няд"мяць сертабидась. Сита Хабэча Хываревич" нядабись. Пыди" җобкана җока по" манзараңаханзь. Геннадий Павлович" харта манзеты: «Хаби" газетава" «Няръяна Җэрмхад» җадимьясь. Тикы нини" си"ми тидхалембиць». Паднаванда хавна книги җадимдемби. Хаби" нита ила" нямна җа". Пудана по" харта вадавнанда падвыда луца вадан" тэврамбидо. Тарем" толаңгодида тамна җокворҗа". Хахаяда яля" няданда сава юнм" намдаваць. Ямална" тиңгэвна нерденаңэ



Сидяңг" М.Яр" тадтавы

ненадумда"мам" ня"амвы. Луца вадахад җани вадан" вади тэволанаңэ (переводчикңэ) нюмдевэдо". Тарця ненадо падарм" ня"амва җарка ненадо сер".

Геннадий Павлович" сяхаңгарт" ненэцие тэнзувнандо" нисетыда тэрабю". Хибяхавана сава җэбта, таминда сава җэңгу. Хуркари тэнзм" мэ"җая, җодь мирбьяда сава җэя. Тамна җани ненадо теневабцода тания, пыда таңок по" ямбан" поңганана" мэванда сер" вадава" тохолась, ненэй" вадавна җули" сомбовна лаханакурҗа. Тамна «Лух Авт» газетана манзараванда

мальҗгана мэкад серта танясеты, ханяңэхэна паднаванда сер" лаханако сём" хэңгадтасеты. Тикы хаби сёда сюларця" итрев" хайнасеты.

Теда" ныланабта җод", Салехард" хэвхана мядм" мярвы. Мята ея, тамна җани җаво-рида харта сэдвыда. Хусувэй" җамгэм" пирҗа, со"окада, мальцида җани" харта сэдгыда. Тэри җопой" яхана мэна җули" ни җа".

Маня" паднанаңэ е"эмнянда сава вади мэ"җава". Падвэда тамна җока җэя. Хусувэй" серкана мел" җэвада сита нядабая.

Г. Окоэтто" падвы

Яркола пирҗада

Хаби" я" няна җэрм" тер" пирдырма" җаць. Тания" Ямальской район" тер" Евгений Вануйто" җэдалёрмы. Пыда хавнанда ва"лэйвана ярколана җуговы.

Евгений Яр-Салыхана юдимдей" классахана тохолку. Пыда җули" пэдава ненэць". Нюдя җэдаханда хуркари сава" серк" тоходана пэвы". Уроката мале"махад таминда сюрберманзь, санарманзь, ярколаванзь хан"җа. Хусувэй" яля" пирдырмаха" хамекурҗа.

Тандая" харбё" җэванда нид сита Ханты-Мансийск" март" җэдарамибидь. Танияна юд" мян" Россияна" ё" тер", тодо" тэнз" ненэця" ма"льць. Евгений тикы" поңгана теневабцода сававна ман"лабтавыда. Сямянхат җока тюрм" яркавы. Тынзямда 136" яңорэй" мовэда, җобкартада хэвняна нивы хань". Няданда вата җуговы:

- Пирдырмаха"на мэва ёльце нюрцям". Нумда җод" няюна" нятась, тэри хаеракось. Ярколавахана, няхар" километр" пирт" сюрбермахана нерняна мэсь" пыхыдами тосавась, ненэся тарем" ха"мы". Тюр" малхана тамна юкад вата тетм" яркавы җэб"ни округна" рекордм" тыхабтаңгудамзь, - Евгений тарця вади мэ"җа.

Пям" ня"амба сюрбермахана җобтики" мере"мы, нябимдейңэ товы:

- Сюрберманзь" хусувэй" яля" ханцетыдм". Си"ми тидхалембададани Татьяна Барангулова тара. Сяхари" си"ми сававна табадамбасеты, табекуда етри" нёдасетын. Җадьбьята сянакова" ёльцяңга"на варемидэцетыдм".

Җокханда юркад вата" сёбар" пирдырҗаць. Красноселькуп" харад" няби Пуровской район" тер" җани" танияна мэць.

Анна Яптик" падвы

Юне я" ханяри" тэволана"

Ямал" тиңгэвна юне тэволанаңэ манзарана" похона җопой" җобт" тэворҗа". Ненадо" яляханандо" Саляңгардан" ма"люрҗаць.

Нямэхэд «Летящий голубь» пирдырма миңась. Пирдырмам" минренаңэ «Ямал-Медиа», юне тэволани" Союз", Ямална" серо тасламбада департамент" тер" тараць. Сямянхат ва"лэйто" нубе хэтвандо" нерцю" е"эмняндо" хуркари тохолкова сертаць. Маня" сидна" җобтики" тохолкурманзь" хаҗаць. Россияна" тиңгэвна юне падыбада", юне ма"ламбада" товэць.

Газетана" паднана Галина Кинчина сава табеку җэванда мю" пэмба варемда мэ"мы:

- Ненэся җарка хардахат товы" нина" няна" ваде"мэдо" җока. Ненадовна ханзер" газета сертаба таравам" намдадамзь. Сидяңг" нямна җани" лаханаць. Таддикахад" падаркана падвына" нензел"мана толава" пир" җэбто" тара". Толаңгода" ненэця" сэв" ныланабто" серо"җа". Нюртей" страницахана җэда газетана" нюмам" хаця" несэймда, савумда табадамбиць.

Хусувэва" яңга" нянанда тара-на тохолкован" хэсь" пир"җадась. Мань" округна" тиңгэвна җадиберта" газета", журнал" нямна намдадамзь. Россияна" юне падыбади" Союз" секретаря" инзеледамзь. Җока юне" падро" няна" ман"лабтась, хусувэхэнандо" җамгэхэв" вэнзер" сертавым" хом-



бись. Табекуда манзаяхана" таром" тэвраңгу".

Пудана" яляхана пирдырмахана ва"лэй" ненэцие" ненадумдабидь. Сиддо" ман"манзь" Ямална" җэвахана мэна турҗась. Нюртейңэ" Юрий Морозов" нюмам" хэтаць. Дмитрий Артюхов" җудахат пон" манзараван-

да" няю" «Легенда СМИ Ямала» ненадумда"мам" ня"мась. Тикы" хавна сямянхат сава проект җадимдевым", юн" падарм", ва"лэй" юне тэволанам", тадтаңгодом", сайтм", пресс-службам", җамгэхэв" ненадо" ненэцие" ненадумдавы".

Анна Яптик" падвы

Ты пэрти" яля

Ензя' юн <



Варнэ' ирыхына хусувэй по' Ензя' тер" Ты пэртия" ялямдо' мэ"жа". Иры' еркия, ныланава' яляхана Тухард хардахана вы' тер" ма"лыць. Тикы' яляхана тэняны тунго" нина" Сындаско, Попигай хардахана нобтики пирдырма' ялядо' жаць.

Нарка Хета яха' вархана лакри' нарка нэсы' радимьясь. Хой' тер" пирдырманзы' нобт' ма"лыць. По' ямбан' ненэця" сянакова' ялямдо' нэтедо', хамекуржа". Тодо' яхана илена' нидо' ядабтамби", иле"мидо' вадэ"жа". Тикарихина нэамгэри тэмдарамбада" манзара", тэм-тарамтидо' паны", тохоця", сянако" нэдакы". Ханяны" ты пэртия" хардан' пудана товадо', пыдо' нэврадамдо' нэокавна тэмдаби". Нэре' иры" эльцянд' тикыдо' мась нэиць.

Сянакова' яляхана мун" нэока". Тяхакуна концертм' манэ"саржа", сэхо" инзеле". Нэнидо' сюрбержа", пыхыдадо' пирдырмаха" падыби". Нэдалёрць ятнана" нэатена": «Сяха' тыдо' манзбаңгудо».

Тюку по' мат" ю" мат" ты пэртия" нэдалёрцаць. Нюртейнэ хасава" нэдалё пирдырцаць. Нэоб", мунм' намдахая, нэдалёрта" няватэяд". Тыдо' хареба, нито' пумна вэңгалэяд". Ханяныдо' ханодо' сюрэхая



таминдо' хаиць, нэнидо' помнандо' пэбтахая хаюрцаць. Сян хан" нито' пуд сэв" сэя хая". Хаевы ненэця" нярка", нэцена", хибядо' нюртейнэ нэдимда? Хусувэйдо' ихинянда харва"нив, нида нюртейнэ туиць. Нита нерня' Николай Ямкин нултадась. Пумнандо' Леонид Яптуңэ тось. Няхаромдэйнэ Эрик Лырмин нэвысь.

Хасев" пуд не" нэдалэйдаць. Лида Ямкина няхатата са"мы, нерде нултадась. Нябимдейнэ Анастасия Ямкина товы, Мария Яптуңэ - няхаромдэйдо'. Тикы' хавна помнандо' илаңгы хасава" 14-18 потна" пирдырцаць. Константин Ямкин нида нерте' нултадась. Няхатато' са"мы" нэдалёрта" сава нуда' тер ня"маць.

Нэдалёрма' хавна нэни иле-

ка сянакова" тэняць. Ханэ" тыха" санарцаць, ярколаць. Мел" не" сэдвы паныдо' манэ"лабтамбиць. Нэни нэатена сянаковадо' – таро"ма. Хурина нидо' нерня' пэрць тэрыцеты". Самляңг мяд' тер", нэока нэокавада" еся" нэд"мам' ня"маць, няхато' еся' сертификат ми"жаць.

Яханана" ненэй ты пэртия" яля' нерцюна Дудинкахана нобтики сянакова нэсь. Музей' хэвхана нэокоця нэсым' нэбтаць. Мядонда" нэокаюдо' нэцекець, сянакурцаць, тэддикахад музей сертавы «Кочевники Таймыра» нэубета выставкам' манэ"саржаць. Яханана" нобтики мэкадавна ты пэртия" сянакова' ялэ мэянаць.

Елена Ямкина' пады



Сидяңг: Е. Ямкина' тэдтавы"

Варемдо' мэ"мы"

Теда' ныхыдырма нули" ненэцие" мэнена сянакубц то"олха. Россия' тигэвна етри' пирдырта" ма"люржа". Тандая' Санкт-Петербург' няна юдимдей чемпионат няби первенство нэвэхэнзы. Нэнадовна 2015 поход минре пэвэдонзы. 2005 поход нэдимдембахава нэдимдембавэдонзы, нэопой", сабе тикы' нямна хибячарт ехэравысь. Тюку" по' эльцянд' юндо' нэарма.

Сидя яля' ямбан' сямяңхат ныхытидо' тасламбавыць. Нэокаанда сидя юр" няхар" ю" пирдырта" Россияна" сидя ю" сиднет яхад товыць. Нэобт' мэбете"э" нэарка" ненэця", нэцекець" ма"лэвыць. Ямалхадна" мале сян ненэць' тэня' нэдалёрцаць. Понганандо' нэней ненэциена" нэани' мэць. Эльце варемдо' мэ"мэць, нэопой", нито' нерня' нэвы" ерев". Якутия' тер" я"авларкавы". Яханандо' нэдимы пирдырмамдо' сацьри' пир"мэдо'. Тарем' нэод" маңа" ненэциена" нерняри' миңа". Горомбэй" няхато' сыраць нэобтики ныхыдырць тоходана". Нэопой нэдо' Тасу' я' тер Андрей Лапсуи сита пир" нита (саңгомдо' мат" ю" пир") понгана няхаромдэй ян' ха"амвы". Ныхыдырта" нэина" тэд нерня' тамна пирдырмаха"на мэбэ"жаць.

Нэани' яляхана сямяңхат ва"лэйдэ" нэани' ё" няна нэарка яна" ед' сянакода". Носиндалава' ирыхына Грузиян' ханда". Вэба' ирыхына Кыргызстан' нямна нэдалёрта".

Анна Яптик' пады

Нэцекець" марад манэсаржа"

Самляңг юр" пир" Донецкой Народной Республика' Волновахской район' тер" нэцекець" Москван', Санкт-Петербурган', Нижний Новгородан' нэдалёрта". Сиддо' «Моя Россия» проектм' нэд"мяць ядэлаңгу". Тарця сер" округна" нэвахана мэна ватовна нэдимы.

Теда' 168 тохолкода" Санкт-Петербурган' тэвавыд". Нэдалёрмандо' сер' сюдбяко марад манэ"паңгу". Россияна" нэвхы ила' саир" нямна намдаңгу". Тарем' ервана" юне тэволана" падна".

Проектм' минрена не Елизавета Дейнеко лаханавы: «7-11 классаха"на мэни няхар" ян' тэртына". Нюртейна" сие ниць иры' 11-25 яляха"на ханда". Нябина" сие ниць иры' 24 яляхана нэдалаңгудо", пуңа' ты" ниць иры' 4 яляхана гута". Няхаромдэйна" ты" ниць иры' 3-15 яляха"на нэдараңгуна". Илесь ёдо', нэормамдо', экскурсияха" ядэрмидо' округва" салдамбаңгуда. Сиддо' тохоламбадидо' нянандо' ядэрта"».

Тэравы" нэцекець ханавы". Тохолкода" хуркари" тэнз" пирдырмаха"на ва"лэй" нэобто' таравы". «Молодая Республика», «Движение Первых», «Юнармия» организацияхат ня"амвы грамотасавэй ханабавы".

Мядонди" е"эмня хуркари тохолкова сертаңгу". Герой России нэомам' мэтахана, космонавтха"на, сёбарка"на, Ямална" ва"лэй" илебей" ненэцяңга"на лаханакода". Ядэрмандо' ямбан' хэвханандо' лекар", сиддо' маниенидо', вожатой" мэңгу".

А.Хорэли' пады



Хамплянк' дю'' пуң җокна дилиңахаң

Хамплянк' дю'' пуң хома шоньшахана неч' няш чильниймана дилиңахаң. Куптат тэхэна мансламэхэң вёкохоң пушахаң Енкся Ильмович и Зоя Игрумовна Пяк җопт каймямч' дялямч' мэҗаханьш. Лусаң ватахана таҗок пуң җокна дилма - золотая свадьба.



Вёкохоң пушахаң диланч' дямпан ты'' паделъш «Верхне - Пуровский» совхозхана манслаҗаханьш. Енкся Пяк чет'дю'' поң ты'' паделъш совхозхана манслаҗаш. Шича' дю'' хамплянк помта ты'' нисым нямпёш, бригадир'җэ манслаш матаҗаташ. Ватамта нямпёта, вивнута бригадир' җаймай. Зоя Игрумовна җупчики совхозхана мят падилта чум работницаҗэ мансламы. Дёльше чильний, медь, хайтуламам чедимяҗа ни. Вёкохоң пушахаң нич' хомана ватаҗаханьш, четаң нич' нюувдехе майпёштухуң.

Касанюхудёч Сергей и Вячеслав выңкна дилиңахаң, манслаҗахаң. Шеэв пуң чена крестьянско-фермерское хозяйство «Ихьяхинское» шелтаҗаханьш'. Чики вивнут нешаньч Енкся Ильмович комы, җокна кальтуң тытуң паделъш дилмантуң мэт. Четаң җопшел тыҗоңшичадэналкатваҗа. Вёкопон нита'' куше татнелъняҗ дилишат нямна вивинтольшту. Җалка ни нюньч выңкна дилиңа, җыди ни нич' чупей калтыхина манслаҗа''. Вивнута, чильниймана дилмтуң миндеҗа'' ни''. Енкся Ильмович, Зоя Игрумовна манде пенши-

хина мэҗахаң, пыч' ветеран Ямала җэ тундыхиң. Четаң тамна нич' нятапёш выңкна дилиңахаң.

Җопт каймямч' дяляхана мякач' мя чидёльш җука неша'' тоҗаш''. Нич'', неч'', няңэч'', дилюнач''- чупей җопт җомаш''. Енкся Ильмович и Зоя Игрумовнан золотой свадьбахана налка празник шелтаҗаш''. Вёкохоң пушахаң поздравиймантуң мэты культурахана мансланна'' тоҗаш. Маня Пюд дяхатана мэни'' камна Халыҗкалтыхит томы'' тадымэҗаш''. Вёкохоң пушахаң Пуровский районна тэта Антон Колодин поздравийҗаташ, округ җалка велв Дмитрий Артюхов. Пычи кудкади'' хома вачи'' Енкся Ильмовичан и Зоя Игрумовнан мэҗаханьш, выңкай дилант талана милита'' мячисы'' миҗаханьш.

Маня Ямалхатна мэна'' мячидёльчи'' камна Россияна падыҗота Владимир Путин вёкохоң пушахаң золотой свадьбахананьч телефоннама поздравийҗаш. Пыта няҗач му-

нуш җупчики кудкади'' хома вачи'' мэҗаш. Енкся Ильмович и Зоя Игрумовна җалка дяна падыҗотам хылаң Москвахана дятёльш коҗачаньш. Татдёлъшкана нянач' дёлдимяшош диланч' нямна дюничалыш. Чикехена җопт каймямч' дялямч' мэвштамч' няңта вачамэхэң. Падыҗотама мячисайтач җайтаптамай, пычи җай хэлаку хылышам падыҗотаҗ тэт миҗахаң. Телефонмана мунош җопт каймямч' дяляхананьч' вёкохоң пушахаң Белоруссиң падыҗота Александр Лукашенко поздравийҗаш, нум чедна чидтахаң космонавтыхиң Олег

Новицкий и Марина Василевская. Купты дяхат мэна'' нешаҗкна мунош выңкна дилиңахаң вёкохоң пушахаң хома майдихиң.

Пяк мят чел'' Москвахана дятёльш җай җыди луши'' Луганская Народная Республикахат мэна'' дилюмтаҗаш. Любовь и Александр Дьяченко наҗича дяхат, Суходольск нимита калтыхит мэнахаң. Пычи выняҗ дилюньч мят' нич'', кайканач'' няш томэхэң. Җупчики пытоң кудкади'' мячисы'' тамай'', кыксу'' мэҗа'', дёлъше хома шоньшахана вёкохоң пушахаң поздравийдатуң. Хамплянк'дю'' пуң җокна дилма - тана нопту. Җопт каймямч' дялямч' Енкся Ильмович и Зоя Игрумовна золотой свадьбамч' нич'', неч'', няңэч', дилюнач' поңкна майпёш, хома шоньшахана мэҗачаньш.

Маня'' җупчики вёкохоң пушахаң җопт каймямч' дяляхананч' поздравийпёш маман хаҗама: нинюч канэл, хома дилиңаҗ, диланьч шехеды пон ненса җеҗа.

Лариса Айваседо патмы



Хэдляңг Ёмбо

Ёмбо' хадаеда тая, Вэнвэсотам' нубета хасава няда тая. Мяцикоцядо' неро якако' вархана ъа. Сэвта ъадиво'махад Ёмбо нисянда, небянда таявам' нидя тене'. Сыреда - таъода хадаехэюда няць маторпида. Та' ёльцьъгана ъани' якакондо' нерохона хоркым' хадаба илесеты'. Хэвняд мякандо' турта ненэцяңгат илева' ямбан' пили' ехэра'.

Сянд'-тинад' илебато' ъод' якакондо' халяда тянюмя. Тоходанда халянда ха'мотава' ёльць

тамнарка. Лэтра'маңэ тырабтавы ютукудо', пиревы порцакоцидо' мал' ъамъядо'. Пу' хаёда ъопой тиребяндо' хорокою. Ёмбо' идя ядэлы', ихинянда манма: «Тюкохоюд тарем' ъэхэваб», пудана тиребяни хорокоюм' мань юкоюми ватаба ядэртахани минханди' нидим' ъамд'. Теда' лакри' хаб'нани тарараха. Си'ми юкоюни хан' сюртъаха', тиребяни хорокоюм' няни хаеңгуху'. Мань тикад тиребякоми ъаворць сыртадама. Халянда ъадимб', ъани' илеңгувма».

Ёмбо ъамгэ' пират ибедоро'махаданда хадаехэюта ня' тарем' манзь ханада:

- Мань теда' хава ялями тэвума, хаб'нани си'ми ъаха' нюиди' сюр'. Юкоюни хэван' ъадяда ян' си'ми сюр'иди'. Пэмбад' мю' си'ми нюиди' сюр': **нимня**ни хой ъанокоюханани си'ми синдаиди', нисяни тубцьям', хардами тикан' мэиди', гад тикад ъани' тиребянди' хорокоюм' няни хаеиди'. Пыдхавари' иле'нидим', ъани' ъаврадамди' хоңгудима.

Ненэсяри ъод' тикы вадиде мэсо'махаданда Ёмбо хась ерсерей'. Вэнвэсота хадаемда няць ерсавай' хавы Ёмбом' юкоюнди'

хан' сюр'ъади'. Нимнянда хой ъанохона вабталади', нисянда тубцьям', харм' хаеңаха', пудана тиребянди' хорокоюм' тикан' хаеңаха'.

Тарем' халмеракомди' сюроро'махаданди' Ёмбор хой ъанонда ъылана тиребямда ъорцеты. Ялэма' някуна ъани' юкоюмда ватасеты. Њанонда ъыл' ъаъбарць ъамдсеты'. Вэнвэсотанда ханаванзь юхунанда сидя-няхар' халякорим' хаесеты. Нянда юмда ватабаб', ъани' нямда ъано' ъылад тиребям' ъаворць писядасетыда.

Вэнвэсота юкоюмда ватаба ядэрцеты, хадаеда ъани' мякнанда ъамдэсеты. Юкоюмда ватаба хальмеракода пэмбат' сылаб'нанда хальмеракода ъанонда ъылад нянда писяндарха ъэсеты, сидя ёмнанда тиребяри' пыдарасеты'. Вэнвэсота мядикохонда тэв'махаданда хадаехэнда манма:

- Хадае', талиреңгабан, юкоюми ватаба тасиримна хальмеракоди сылаб'нани, няни писяндарха ъэсеты, сидя ёмнанда тиребяри' пыдарасеты', ъэвами ила сылаб'нани ъани' ъамгэрт' яңгосеты, хальмеракоми юседаманда сер' юседасеты. Хубтахана хэб'нани ъани' хальмеракоди пэмбад' хэвхана варъэ' халэ' ъэв ъаворцеты'. Хадае', илеванда мальъгана хальмеракоми ъамгэм' пилюцеты?

Хадаеда манзь ханаъа:

- Явэй, хальмеракор ъамгэ-ехэртм' ни пилюцетов', сюдъа вэсакохортм' ни пилюцету', ъопой пыда пилютата варк ъэсеты.

Вэнвэсота идя ядэлы'. Ихинянда тарем' таслада: «Тюкор неновна хавы нирха ъа», тиребякоди хорокоюм' ъаворць сидни' нельтембада ъэрха. Ёмбо, мань сит сертаңгудм'».

Хубтахана Вэнвэсота юкоюмда ватаба ъани' хая. Юкоюмда ватаба тасиримна сыръа. Хальмеракода нянда письъа, тиребям' ъаворъа. Ватаңго мале'махаданда

сян халякоюмда марцянда ниня мине хальмеракоди ирт' тэвы'. Вэнвэсота хальмеракоди хэвхад лэракабт' сюдъавна тэрей':

- Хадакэй! Варк то! Хальмеракоми ъадаць пъа!

Таръа вадим' намдахава Ёмбор хой ъанокоюмда тубкам' нямбада ъудахананда ъопой' лабхалъада, няби ъудахананда тиребянда хорокоюм' ня'амба санэй'. Њопой якана нянда си хортена тэри тюр'ъа:

- Вэнвэсота, варкар хына?! Варкар хына?!

Сюдъа тубкамда ъэванда нимня сюри'леда. Вэнвэсота нянда хэвхана писяңганде хаъа:

- Њыхы' – ъыхы' - ъыхы'! Ёмбо, сит ъахат ъод' тарем' мэңгосадм'?!

Ёмбо пэдэмде ъахат нэкалкайян' ъамды', няханда тарем' манма:

- Ёхо! Вэнвэсотахаваъэ, сян серод ъока' ъэсеты', си'ми нена' ъаркавна лэрабтаванор, санавани сер' лыни хаъадм' марда'.

Тикы хад тиребянди' хорокоюм' пуданам' ханахаъа мяканди' хаяха'. Мяканди' тэв'махаданди' Вэнвэсота ъано' ъылад явла санавы нямда ъули' писядада. Ёмбо нянда письма' ямбан' ваванда ниня лухунда мюня паклэ мунзипой' ъамды, ъавормахартан' ни харва'. Хадри' ъод' сякнанда вэва ъэдакы. Њамгэ' пиркана няханда манма:

- Вэнвэсота, си'ми сян' нён писяд'. Њани' писямбанан мань ъули' сит ладортадм'. Мась ъэя! Тиребянд хорокоюм' мал' нивась ъав', якаконд халъа' ъадимъа' ъэсонд' мась ъэңгу. Сававна илехэва', сянхав' таръадм' нибцякэдм' ъа'.

Тиребяндо' хорокоюм' пуданам' ъортахандо' якакондо' халяда ъадимъа. Њани' несэйвана халяндо' ъавар тандас ъэсь илельъад'.

Та' малда.

«Ненецкий фольклор»
книгахад ханавы,
З.Н. Куприянова' падвы



Нисянда тотрев' падтаңгу



Ненэй мякана соявы цацекеы падтаңго пэб"нанда выңгана манэпавы" навода тэри сидяңгарха" ни" нэңгу", ненэйраха" нэңгу". Яр-Саляхана Сянакова' яля' ёльцяңгана «Яля сэв» нюбета мят' тюңгадамзэ. Таняна «Прикосновение» выставка мимысь. Анастасия Хороля сертавы" манзаида манэ"лабтамбавысь.

Падтавы" манзаита поңгана тевевана нями ходамзэ. Нюрте"э тамна тадта"маңэ пывась. Пуна сававна манэ"мани сер' нудахана сертавы нэвы. Ненэся ноб" сита то"олхась. Ѓани" падта"ма" нани' саваць.

Тикы нерцюй яляхана Анастасия харта пыхыданда нямна лаханавысь. Таддикахад ненэце падтаңго тохоламбавысь.



Нянда школахана тохолкода" цацекеы" турмыць. Нюдяко классаха"на мэна" сиддо' тохоламбадандо' ня' холкабэй мараңгам' падтамбавыць. Пыдо' хавнандо' тикахана мэвы цока нэвысь.

Падтаңгода не Панаевскхад ца. Сэвта надиво"махад падтаңговам' мэне пывэда. Мята тер" поңгана тарця серм' пирта" танявы". Ненадовна нисяхаданда тоховы.

Анна Яптик' падвы



Сидяңг.: урасалемзэуэ няд ханавы"

Падвыни" толабида"

Яр-Саляхардан' тэворо"мами цока, сянакова' ялян' мале юд по" турнадам'. Нюртей сян похона Сэяха' сёбар" цацекеы" поңгана мэдамзэ, тад пуна' Пэ Салыхад ядэрнадамзэ. Ханосанарпаседм', таддикахад ямб санам' мэцетыдм', нерня' ха"мормами сяхаңгарт яңгу, тэри тарця сёбар" ненэцяндм'. Тюку по' нани' санарнадамзэ, ноб' тарем' пуяна мэдамзэ. Ханзер" и" нэбта саць нидм' таңыламдёмбасету", савовна таро"мы няха"ни маймбасетыдм'.

Пудана похо"на ненэця" си"ми манэ"пато' манзеты": «Макар Цокдэта, паднана пыдар?» Манзетыдм: «Тикы мань!» Интернетхана падвыни" толабада" си"ми тенева".

Хэвы яляха"на, Яр-Саляхана

толаңгова' мякана ханяд товами, намгэ' нямна паднавани няю' вадам' мэ"надамзэ. Ма"лэвы

ненэцяңг" ханяна соя"мами вадэ"надамзэ, ханзер" вадэдавами, паднава серо лахарёхона



Сидяңг.: М. Окоэтто' нэдабавы"

мал' таслэйнаць. Толаңгода ненэця" тодо хардахана иле", хусувэдо' тось я"мадась, тикы' е"эмня ноб", сидя вадам' хар"ни хэтаңгудм'.

- Мань нюмами - Макар Окоэтто, Яптик-Салыа' выңгана вадыдамзэ, тад пуна' Новый-Портхана нерденя классани" ма"ледамзэ, нарка классани" Пэ' Салыхана мэйнась. Тохолко нэвада"махадани хой' няна хаидамзэ, ты' манзаям' пэрнадамзэ, халям' хадабидамзэ. Тет, няхар" по" тяхана ВКонтакте иңудота вади падыба пядамзэ, нари" пукуна иле"мя" надимяць. Тикы' хавна небой поход ненэця' ваданна нэда газетахана, Нярьяна Цэрмхана паднадм', таняна падвыни" нани' толабида".

Макар Окоэтто' падвы

Газета «Нярьяна Нэрем»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 17 Подписано в печать 25.04.2024 г. Вышла в свет 27.04.2024 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
---------------------------	--	--	--	--

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3616 экз.

Заказ № 0576 (тираж 1581 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунынца, д.1, каб. 106
Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Заказ № 0576/1 (тираж 2035 экз.) отпечатан в АНО «Ямал-Медиа»
629309, ЯНАО, г.Новый Уренгой, ул. Северное кольцо, стр. 2/4).
Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г. Салехард, мкр. Богдана Кнунынца,
д.1, каб. 106
тел. (349 22) 4-53-32

E-mail: nn@yamal-media.ru